

## 初春一个人奋斗的诗句

1.  
金钗影摇春燕斜，木杪生春叶。水塘春始波，火候春初热。土牛儿载将春到也。——贯云石《立春》
2.  
万树江边杏，新开一夜风。满园深浅色，照在绿波中。——王涯《春游曲》
3.  
绿杨芳草长亭路，年少抛人容易去。楼头残梦五更钟，花底离愁三月雨。无情不似多情苦，一寸还成千万缕。天涯地角有穷时，只有相思无尽处。——晏殊《玉楼春·春恨》
4.  
故人西辞黄鹤楼，烟花三月下扬州。——李白《黄鹤楼送孟浩然之广陵》
5.  
昨夜斗回北，今朝岁起东。我年已强仕，无禄尚忧农。桑野就耕父，荷锄随牧童。田家占气候，共说此年丰。——孟浩然《田家元日》
6.  
连日春寒不上楼，画屏斜掩梦悠悠。梅花吹尽成香雪，帘外东风未肯休。——周密《春寒》
7.  
春已归来，看美人头上，袅袅春幡。无端风雨，未肯收尽余寒。年时燕子，料今宵梦到西园。浑未辨，黄柑荐酒，更传青韭堆盘？却笑东风，

从此便薰梅染柳，更没些闲。闲时又来镜里，转变朱颜。清愁不断，问何人会解连环？生怕见花开花落，朝来塞雁先还。——辛弃疾《汉宫春·立春日》

8.  
守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁》

9.  
巧裁幡胜试新罗，画彩描金作闹蛾。从此剪刀闲一月，闺中针线岁前多。——查慎行《凤城新年辞》

10.  
长江春水绿堪染，莲叶出水大如钱。江头橘树君自种，那不长系木兰船。——张籍《春别曲》

11.一枝红艳出墙头，墙外行人正独愁。——吴融《途中见杏花》

12.好雨知时节，当春乃发生。——杜甫《春夜喜雨》

13.  
天街小雨润如酥，草色遥看近却无。——韩愈《早春呈水部张十八员外》

14.  
阴风猎猎雨丝丝，苦勒新红未上枝。人道春光从此出，不知元自得春迟。——王世贞《春寒东阁外花事未动有感·其一》

15.  
一二三四五六七，万木生芽是今日。远天归雁拂云飞，近水游鱼迸冰出。——罗隐《京中七日立春》

16.  
世味年来薄似纱，谁令骑马客京华。小楼一夜听春雨，深巷明朝卖杏花

。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

17.竹外桃花三两枝，春江水暖鸭先知。——苏轼《惠崇春江晚景》

18.

凉月如眉挂柳湾，越中山色镜中看。兰溪三日桃花雨，半夜鲤鱼来上滩。——戴叔伦《兰溪棹歌》

19.

羌笛何须怨杨柳，春风不度玉门关。——王之涣《凉州词二首·其一》

20.

东风何事力犹微，凛凛边寒犯客衣。旧雪未消新雪下，南园春色几时归。——文同《春寒》

21.

草色青青没烧瘢，游人未敢踏春寒。梅花吐尽溪头雪，只有沙鸥独自看。——释元肇《春寒》

22.

风回云断雨初晴，返照湖边暖复明。乱点碎红山杏发，平铺新绿水蘋生。翅低白雁飞仍重，舌涩黄鹂语未成。不道江南春不好，年年衰病减心情。——白居易《南湖早春》

23.

巧胜金花真乐事，堆盘细菜亦宜人。自惭白发嘲吾老，不上谯门看打春。——晁冲之《立春》

24.

春日春盘细生菜，忽忆两京梅发时。盘出高门行白玉，菜传纤手送青丝。巫峡寒江那对眼，杜陵远客不胜悲。此身未知归定处，呼儿觅纸一题诗。——杜甫《立春》

25.谁家玉笛暗飞声，散入春风满洛城。——李白《春夜洛城闻笛》

26.夜月一帘幽梦，春风十里柔情。——秦观《八六子·倚危亭》

27.

子规啼，不如归，道是春归人未归。几日添憔悴，虚飘飘柳絮飞。一春鱼雁无消息，则见双燕斗衔泥。——关汉卿《大德歌·春》

28.

三月残花落更开，小檐日日燕飞来。子规夜半犹啼血，不信东风唤不回。——王令《送春》

29.人闲易有芳时恨，地迥难招自古魂。——韩偓《春尽》

30.春风又绿江南岸，明月何时照我还？——王安石《泊船瓜洲》

31.

相见时难别亦难，东风无力百花残。——李商隐《无题·相见时难别亦难》

32.

屋上春鸠鸣，村边杏花白。持斧伐远扬，荷锄觐泉脉。归燕识故巢，旧人看新历。临觞忽不御，惆怅远行客。——王维《春中田园作》

33.

惆怅春归留不得，紫藤花下渐黄昏。——白居易《三月三十日题慈恩寺》

34.

暖雨晴风初破冻，柳眼梅腮，已觉春心动。酒意诗情谁与共？泪融残粉花钿重。乍试夹衫金缕缝，山枕斜欹，枕损钗头凤。独抱浓愁无好梦，夜阑犹剪灯花弄。——李清照《蝶恋花·暖雨晴风初破冻》

35.

东风杨柳欲青青，烟淡雨初晴。恼他香阁浓睡，撩乱有啼莺。眉叶细，舞腰轻。宿妆成。一春芳意，三月如风，牵系人情。——晏殊《诉衷情·东风杨柳欲青青》

36.

万点猩红将吐萼，嫣然回出凡尘。移来古寺种朱门。明朝寒食了，又是一年春。细干柔条才数尺，千寻起自微因。绿云蔽日树输困。成阴结子后，记取种花人。——顾太清《临江仙·清明前一日种海棠》

37.

乾坤空落落，岁月去堂堂。末路惊风雨，穷边饱雪霜。命随年欲尽，身与世俱忘。无复屠苏梦，挑灯夜未央。——文天祥《除夜》

38.

沉舟侧畔千帆过，病树前头万木春。——刘禹锡《酬乐天扬州初逢席上见赠》

39.

金炉香烬漏声残，剪剪轻风阵阵寒。春色恼人眠不得，月移花影上栏杆。——王安石《春夜》

40.

剪红情，裁绿意，花信上钗股。残日东风，不放岁华去。有人添烛西窗，不眠侵晓，笑声转新年莺语。旧尊俎，玉纤曾擘黄柑，柔香系幽素。归梦湖边，还迷镜中路。可怜千点吴霜，寒消不尽，又相对落梅如雨。——吴文英《祝英台·除夜立春》

41.

莫笑农家腊酒浑，丰年留客足鸡豚。山重水复疑无路，柳暗花明又一村。箫鼓追随春社近，衣冠简朴古风存。从今若许闲乘月，拄杖无时夜叩门。——陆游《游山西村》

42.

笙歌间错华筵启。喜新春新岁。菜传纤手青丝细。和气入、东风里。幡

儿胜儿都姑娣。戴得更忒戏。愿新春已后，吉吉利利。百事都入意。——赵长卿《探春令》

43.

各有心情在，随渠爱暖凉。青苔问红叶，何物是斜阳。——袁枚《苔·其二》

44.

离离原上草，一岁一枯荣。野火烧不尽，春风吹又生。远芳侵古道，晴翠接荒城。又送王孙去，萋萋满别情。——白居易《赋得古原草送别》

45.

春风如贵客，一到便繁华。来扫千山雪，归留万国花。——袁枚《春风》

46.

雨打梨花深闭门，忘了青春，误了青春。——唐寅《一剪梅·雨打梨花深闭门》

本文链接：<https://duanjuziku.com/duanjuzi/tye5u7ig7i.html>